

B. N. C
FIRENZE
1071
11





1071. 11

Specimen Libri de Momentis Grauium &c.

Autore I. F. V. Lucensi.

Ad Illustrissimum, & Eruditissimum D.
ANTONIVM MAGLIABECHIVM
Sereniss. Magni Ducis Etruriæ
Bibliothecarium.



*V*ndamenta Scientiæ de Motu uni-
formiter accelerato D. Alexandri
Marchetti, quæ mecum liberaliter
dudum communicasti, Vir Illu-
strissime, ansam dederunt mihi,
ad falsam iudicandam Propositio-
nem illam, cuius demonstrationes,
a celeberrimis Mathematicis Galileo ac Torricellio
tentatas, parum solidas esse, D. Marchettus asserue-
rat. Huius rei iudicij rationes, unico theoremate
comprehensas (quod vberius explicamus in Exege-
sibus nostris Physicomathematicis, De Momentis
Grauium, de Veste, ac de Motu aquabiliter accele-
rato, quas ad prælum iamdiu parauimus) ad Te
mittere decreui, Ornatissime Magliabechi: ut per
Te, literariæ omnis generis gazæ sequestrem, quid
vna Tecum de hac Propositione censeant, & de toto
Opere, quod etiamnum premimus, quid coniçiant
Homines Eruditi, facilius ac securius intelligere pos-
sim. Vale, ac Tui studiosissimum amare perge.


I. F. V.

INsignes Mathematici, Galileus, Torricellius,
Vvallis, Marchettus, ac plures alij, existimant
esse veram hanc Propositionem: Momentum totale
grauis, ad momentum quod habet super plano declini,
est vt longitudo plani declinis ad perpendicularum,
cuius contradiçtoriam sic demonstro.

Si



Si graue conformatum in globum, nitatur plano horizontali, radius IK, perpendicularis horizonti, est linea directionis, per quam centrum I exigit descendere perpendiculariter. Si vero idem globus nitatur duobus planis inæqualiter decliuibus XC, ZC (quæ pro hac demonstratione sint æqualis longitudinis, & faciunt angulum rectum XCZ; cum perpendicularo vero XN, quod sit æquale rectæ CO parallelæ horizonti, & cum recta NC, horizonti parallela, quæ sit æqualis perpendicularo ZO, constituent triangula rectangula XNC, COZ, inuicem æqualia) radius IH, parallelus plano XC, per quem centrum I exigit descendere super XC, est linea directionis, respectu descensus super XC. ac radius IF, parallelus ad ZC, est linea directionis, respectu descensus super ZC.



Iam, sicut planum horizontale, sustinet pondus æquale momento, quo globus exigit descendere perpendiculariter; quia globus momentum suum totale censetur exercere in radio IK, planum vero horizontale, applicatum in K, ac totaliter impediens descensum perpendiculararem, resistit illi momento per virtutem æqualem: Ita planum ZC, sustinet pondus æquale momento, quo idem globus exigit descendere super XC; quia momentum globi ut descendat super XC, censetur exer-

exer-

exerceri in radio IH ; & planum ZC , tangens glo-
 bum in H , ac totaliter impediens eius descensum
 super XC ; toti illi momento (quod respectu to-
 talis est solum parziale) resistit per virtutem æqua-
 lem: Planum XC , sustinet pondus æquale mo-
 mento, quo globus exigit descendere super ZC ;
 quia momentum globi ut descendat super ZC ;
 censetur exerceri in IF ; ac planum XC , tangens
 globum in F , & impediens descensum super ZC ;
 resistit momento globi per virtutem illi æqualē.
 Itaque momentum totale globi, sustinetur plano
 horizontali; momentum super plano XC , susti-
 netur plano ZC ; momentum super ZC , sustine-
 tur plano XC . Quia verò, momentum totale
 globi super plano horizontali, æquatur momen-
 tis partialibus simul sumptis eiusdem globi super
 planis decliuius XC , ZC ; sicut pondus globi;
 quo grauiatur planum horizontale, æquatur par-
 tibus ponderis eiusdem globi simul sumptis, qui-
 bus grauiantur plana ZC , XC : Si momentum tota-
 le ad momentum super plano decliui XC , sit ut
 XC ad XN ; ac momentum idem totale, ad mo-
 mentum super ZC , sit ut ZC ad ZO , nimirum
 ut XC ad NC (quia ex hypothese XC est æqua-
 lis ZC , & NC est æqualis ZO) momentum totale
 ad momenta partialia simul sumpta, est ut hypo-
 tenusa XC , ad latera XN & NC in directum po-
 sita, eiusdem trianguli XNC . Atqui hypotenusa
 XC , non est æqualis lateribus XN & NC , sed est
 illis minor. Ergo si totale momentum ad partia-
 lia; sit ut XC , ad XN & NC ; momentum to-
 tale non æquatur, sed est minus momentis par-
 tialibus simul sumptis. Ergo momentum totale,
 ad momentum super plano decliui XC , non est
 ut longitudo plani XC , ad perpendicularum XN .

Hæc

Hæc demonstratio non videtur obnoxia ulli exceptioni. quia si momentum totale, ac momenta partialia, considerentur in vno & eodem globo, vel in globis æqualibus; velocitas qua globus descendit perpendiculariter, ad velocitatem qua descendit super plano decliui XC; impulsus, quo globus conatur deprimere planum horizontale, impediens descensum perpendicularem, ad impulsus quo conatur deprimere planum ZC, applicatum in linea directionis, & impediens descensum super XC; onus quo grauatur planum horizontale, ad onus quo grauatur planum ZC; momentum totale ad momentum super XC, habent vnam, & eandem rationem, quod sufficiat indicasse.

Ex his alijsque principijs legitimè demonstratis, in Exegesi de momentis grauium deprompta est proportio Momenti totalis ad partiale, ac ceteræ quæstiones resolutæ sunt. Quum autem tum vetitis communis, tum ille quem continent grauium, impedita ne descendant super planis decliuius, seipsos non agnoscant in quorundam libris: idcirco vtriusque natura, in Exegesi de vetere, noua methodo indaganda visa est; ac voto exitus respondit. Demum in Exegesi de Motu æquabiliter accelerato, præter motum ipsum facilius ac breuius expositum; propositiones, quæ antea nitebantur falsis principijs de Momentis grauium, emendatæ sunt, nouæ nonnullæ additæ.

A. M. D. G.

ROMÆ, Ex Typographia Reu. Cam. Ap. 1684.

Superiorum permissu.



MC

